

YANGI O'ZBEKISTON

Ijtimoiy-siyosiy gazeta

№ 77 (1403), 2025-yil 16-aprel, chorshanba



www.yuz.uz

yuz.uznews

yuz_official

yuz.uz_news



ISLOHOTLARIMIZNING ENG KATTA NATIJASI — YANGI O'ZBEKISTON NAFASI HAR BIR MAHALLAGA KIRIB BORAYOTGANINI ANDIJON MISOLIDA KO'RIB TURIBMIZ O'zbekiston Respublikasi Prezidenti Shavkat Mirziyoyev hududlar rivoji, aholi hayoti bilan yaqindan tanishish maqsadida 15-aprel kuni Andijon viloyatiga keldi.



Hududdagi o'zgarishlar "havo darvozasi" danoq ko'zga tashlanadi. Mamlakatimizda transport tizimini rivojlantirish borasidagi ishlar doirasida Andijon xalqaro aeroporti ham modernizatsiya qilinmoqda. Tashrif chog'ida davlatimiz rahbariga shu haqda axborot berildi.

Bo'lib, hozirgi talablarga mos kelmay qolgan edi. Uchish-qo'nish yo'lagining yuk ko'tarish qobiliyati pastligi, zamonaviy yoritish tizimining yo'qligi sababli qatnovlarni qabul qilish imkoniyatlari cheklangandi. Bugungi kunda rekonstruksiya ishlarining birinchi bosqichi bitkazildi. Uzunligi 3 ming 300 metr, kengligi

60 metr bo'lgan yangi uchish-qo'nish yo'lagi, yurish yo'lagi va samolyotlar to'xtash joyi qurildi. Drenaj tizimi yangilanib, yer osti suvi qochirildi. Shuningdek, bu yerda ikkinchi yurish yo'lagi qurilishi davom ettirilib, IKAO CAT-II toifasidagi radar, meteorologiya va yoritish uskunalarini o'rnatish ishlari olib borilmoqda.

Natijada Boeing, Airbus rusumidagi yirik samolyotlarni noqulay ob-havo sharoiti va tungi vaqtlarda ham qabul qilish mumkin bo'ladi. Bu kunlik parovozlar sonini 10 barobargacha oshirish imkonini beradi.

Endi, ikkinchi bosqichda yo'lovchi terminalini yangidan qurish ko'zda tutilgan. Bu orqali yo'lovchilarga xizmat ko'rsatish quvvati soatiga avvalgi 300 tadan 1000 taga, parovozlar soni yiliga 584 tadan 3 ming 700 taga ortadi. Bu Andijon shahri va Farg'ona vodiysiga qatnovlar sonini ko'paytirishga xizmat qiladi.

Faoliyatini qayta boshlagan mazkur aeroportda hozirda Toshkent — Andijon — Toshkent yo'nalishi bo'yicha parovozlar amalga oshirilmoqda.

Prezidentimiz bu yerda samarali boshqaruvni yo'lga qo'yish, xizmatlarni arzon qilib, mahalliy va xalqaro parovozlarni ko'paytirish bo'yicha ko'rsatmalar berdi.

Umuman, mamlakatimizda aeroportlarni modernizatsiya qilish bo'yicha katta ishlar amalga oshirilmoqda. O'tgan yillarda Samarqand, Termiz, Urganch, Shahrisabz, Mo'ynoq, Qo'qon va Zomin aeroportlari yangilandi. Yana bir qator viloyatlarda modernizatsiya jarayonlari davom etmoqda.

Davlatimiz rahbari o'tgan yilning fevral oyida Andijonga tashrifi chog'ida ko'plab istiqbolli loyihalarni tanishib, viloyatda olib borilayotgan qurilish, bunyodkorlik ishlari ko'lamini kengaytirish, sanoat, qishloq xo'jaligi, xizmat ko'rsatish va servis sohalarni jadal rivojlantirish, aholi uchun munosib turmush sharoitlari yaratish, tadbirkorlikni rivojlantirish, aholi bandligini ta'minlash, kambag'allikni qisqartirish yuzasidan tegishli vazifalarni belgilab bergan edi.

Mazkur topshiriqlar ijrosini ta'minlash bo'yicha keng ko'lamlı ishlar amalga oshirildi. O'tgan yili viloyatda yalpi hududiy mahsulot ishlab chiqarish hajmi 2023-yilga nisbatan sezilarli darajada o'sdi. Aholi jon boshiga ishlab chiqarilgan yalpi hududiy mahsulot hajmi 26,4 million so'mni tashkil qildi.

Prezident tashrifining ikkinchi manzili "WBM Romitex" klasterining Andijon shahrida qurilgan yangi korxonasi bo'ldi.

"WBM Fabrics" nomli ushbu korxonaga qayta ishlash zanjirining navbatdagi bosqichi. Umumiy qiymati 50 million dollarlik investitsiya loyihasi doirasida zamonaviy sanoat inshooti qurilib, Italiya va Germaniyadan yuqori texnologik uskunalar keltirib o'ratildi. Matoni bo'yash va gul solish yo'lga qo'yildi. Korxonaga yiliga 24 ming tona shunday xaridorigir mahsulot tayyorlash quvvatiga ega. Loyiha doirasida 600 ta doimiy ish o'rnı yaratildi.

Yana bir e'tiborli tomoni, majmuada Italiyadan keltirilgan zamonaviy suv tozalash inshooti barpo etilgan. Unda bo'yoq sexidan chiqqan texnik suv tozalanib, qayta foydalanishga yo'naltiriladi. Bu tejimkorlik va ekologik barqarorlikni ta'minlashda muhim o'rin tutadi.

Davlatimiz rahbari korxonadagi ish jarayonini ko'zdan kechirdi, mutaxassislar bilan muloqot qildi. Ishlab chiqarish maydonlaridan samarali foydalanish, energiya tejimkorlik orqali tannarxni kamaytirish, ishchilarning kasbiy malakasini oshirish masalalari to'g'risida so'z yuritildi.

Qayd etish joiz, korxonaga faoliyatı tashqi bozorga ixtisoslashgan, yillik eksport hajmi 55 million dollari tashkil etadi.

Andijon viloyatida to'qimachilik sanoati jadal rivojlanmoqda. Hududda yetishtirilgan paxtani zamonaviy klaster tizimida chuqur qayta ishlash kengayib borayotir. Viloyatning respublika to'qimachilik sanoatidagi ulushi 16,5 foiz. 2024-yilda Andijonda 20 trillon so'mlik to'qimachilik mahsulotlari ishlab chiqarilib, 488 million dollarlik eksport qilingan. Bu viloyat umumiy eksportining 42 foizini tashkil etadi.

Mazkur topshiriqlar ijrosini ta'minlash bo'yicha keng ko'lamlı ishlar amalga oshirildi. 2024-yil davomida investitsiya loyihalari doirasida uch yuz saksonta loyiha amalga oshirildi. Bunda to'qimachilik, sanoat, qurilish va qishloq xo'jaligi sohalari salmoqli o'rin egalladi. Mazkur loyihalarni ishga tushirish hisobiga o'ttiz ikki mingdan ziyod yangi ish o'rnı yaratildi.

Prezident Shavkat Mirziyoyev Andijon viloyatida 2025-yilda erishilishi rejalashtirilgan asosiy maqsadlarga oid taqdimot bilan tanishdi.

Joriy yilning birinchi choragida investitsiya loyihalari samarasida hamda tijorat banklari ishtirokida 77 ming nafar fuqaro ish bilan ta'minlangan.

Umuman, 2025-yilda 5 milliard 700 million dollarlik 166 ta investitsiya loyihasi amalga oshiriladi. Bu orqali 31 mingta ish o'rnı ochiladi. 31 turdagi yangi mahsulot olish yo'lga qo'yilib, 1,5 milliard dollarlik eksport imkoniyati yaratiladi. Korxonalarni barqaror energiya bilan ta'minlash uchun 65 megavatt yangi quvvatlar barpo etiladi.

Davomi 2-beta

O'zbekiston Respublikasi Prezidenti Matbuot xizmati surati.

O'ZBEKISTON RESPUBLIKASI PREZIDENTI SHAVKAT MIRZIYOYEVNING ANDIJON VILOYATIDA YANGI BARPO ETILGAN BOBUR SHAHRIDA O'TKAZILGAN TANTANALI MAROSIMDAGI NUTQI

Assalomu alaykum, qadrli vatandoshlar, muhtaram Andijon ahli!

Avvalo, siz, azizlar bilan yurtimizda ko'klam nafasi kezib yurgan mana shunday fazlyi kunlarda diydor ko'rishib turganimdan g'oyat mamnunman. Barchangizga o'zimning yuksak hurmat va ehtiromimni bildiraman.

Hammangizga ma'lumki, inson qadrini ulug'lash, xalqimizning huquq va manfaatlarini ta'minlash, shu asosda odamlarni hayotdan rozi qilish — Yangi O'zbekistonda olib

borilayotgan islohotlarning bosh maqsadidir.

Bugun jonajon Vatanimizning barcha viloyatlari, qishloq va ovullarida ana shu ulug' va ezgu maqsad qanday amaliy natijalar berayotganini ko'rib, albatta barchamiz cheksiz quvonamiz. Buning amaliy tasdig'ini go'zal va betakror Andijon zaminida ham yaqqol ko'rishimiz mumkin. Viloyatda sanoat, tadbirkorlik, qishloq xo'jaligi, bog'u rog'lar barpo etish, ko'cha va mahallalarni obod qilish, aholi uchun munosib mehnat va yashash

sharoitlari yaratish bo'yicha ko'plab tahsinga loyiq ishlar qilinmoqda.

Qani endi, imkonini bo'lsa-yu, bu so'lim diyorga tez-tez kelib, siz, azizlar bilan chin dildan miriqib suhbatlashsam. Chunki sir emas, men doimo sizlar kabi mard va tanti, qalbi — Allohdaga, qo'li — ishda bo'lgan insonlar bilan uchrashib, muloqot qilib, o'zim uchun beqiyos ma'naviy kuch olaman, ruhlanaman.

Ishonch bilan aytish mumkin, Andijon zaminida Yangi O'zbekiston g'oyasi, Yangi O'zbekiston nafasi har bir mahalla, har bir

xonadonga kirib bormoqda, xalqimizni baland-baland marralarga undamoqda.

Bu — islohotlarimizning biz kutgan, butun xalqimiz kutgan eng katta, eng muhim natijasi, desak, to'g'ri bo'ladi.

Qadrli do'stlar! Faxr bilan ayta olamizki, Andijon butun mamlakatimiz, Markaziy Osiyo mintaqasining zamonaviy, yirik shaharlaridan biri, vodiy gavharidir. Bu ko'hna zamindan ko'plab olim va mutafakkirlar, mashhur shoir va adiblar, davlat va jamoat arboblari,

madaniyat va san'at namoyandalari yetishib chiqqan.

Andijon — buyuk mutafakkir, bunyodkor shoh Zahiriddin Muhammad Bobur bobomiz tavallud topgan tabarruk diyori ekanini barchamizga g'urur-iftixor bag'ishlaydi.

Bugungi kunda Andijonda barcha soha va tarmoqlar jadal rivojlanmoqda. Ayni paytda bu yerda juda katta salohiyat mavjud. Ana shunday ulkan imkoniyatlarimizni ishga solish, hududni yanada taraqqiy ettirish maqsadida sizlar bilan bundan ikki

yil avval Yangi Andijon shahri va "Yangi O'zbekiston" bog'ini barpo etish haqida kelishib olgan edik.

O'tgan davr mobaynida ushbu ulkan loyihani amalga oshirish borasida katta ishlar bajarilganiga barchangiz guvohsiz. Nafaqat guvohsiz, ayni paytda ulara bevosita ishtirok etmoqdasiz. Qisqa vaqt ichida havas qilsa arziydigan mana shu go'zal shaharcha bilan birga "Yangi O'zbekiston" bog'ini ham qad ko'tardi.

Davomi 2-beta

ULKAN TURIZM SALOHIYATI

YURTIMIZNI SAYYOHLIK BO'YICHA YETAKCHI DAVLATGA AYLANTIRADI

Bugungi kunga kelib turizm jahon iqtisodiyotining eng muhim tarmoqlaridan biriga, hattoki ayrim davlatlar iqtisodiy o'zagiga aylandi. Dunyo turizmi tahlili dalolat beradiki, barqaror taraqqiyotni ko'zlagan har qanday davlat rivojida turizm bevosita yoki bilvosita katta ahamiyatga ega.

Yurtimizda ham bu sohani rivojlantirish uchun katta salohiyat mavjud. So'nggi yillarda ana shu imkoniyatdan oqilon foydalanilishi natijasida hududlarda turizm va servis infratuzilmasi tez rivojlanib bormoqda. Xususan, o'tgan 8 yilda sohaga 6 milliard 500 million dollar sarmoya kiritilib, 130 mingta mehmon o'rnı ochildi. Bugungi kunda 20 ta turizm qishlog'i faoliyat yuritayotir. Parkent tumanining "Oltin bel" cho'qqisida xalqaro darajadagi yangi tog'-chang'i zonasi barpo etilyapti.

Shu yil 9-aprel kuni Prezidentimiz raisligida hududlarning turizm salohiyatini oshirish, xorijiy investitsiya loyihalarni jadallashtirish masalalari muhokamasi

bo'yicha bo'lib o'tgan videosektor yig'ilishida ushbu sohadagi ishlar tahlil etilib, istiqbolidagi vazifalar belgilab berildi.

Qayd etilganidek, so'nggi yillarda turizm eksporti 1,6 karra oshib, 3,5 milliard dollarga yetdi. Sohada 2 mingdan ortiq yangi tadbirkor ish boshladi. Amalga oshirilayotgan chora-tadbirlar natijasida sayyohlarni jalb etish bo'yicha 10 millionlik marradan o'tildi.

"Bu bilan to'xtab qolmaymiz. Boy tarixiy-madaniy merosimiz, go'zal va betakror tabiatimiz sayyohlarni 2-3 karra oshirishga yetadi", dedi Prezidentimiz.

Davomi 3-beta



Nuqtayi nazar

GLOBAL ISHTIROK — KENG IMKONIYATLARGA YO'L OCHADI

Samarqand — qadimdan katta yo'llar tutashgan, madaniyat va savdo karvonlari chorrahasi bo'lib kelgan zamin. Shu kunlarda u yana bir bor jahon sahnasida muhim manzil sifatida tilga olinmoqda. Ammo bu gal u faqat o'zining serviqor binolari yoki tarixiy merosi bilan emas, balki mintaqaviy va global siyosatning yirik yo'nalishtirish belgilab beruvchi maydon qiyofasida tilga tushdi. Joriy yil 4-aprel kuni aynan shu ko'hna kent — shonli Samarqand shahrida "Markaziy Osiyo — Yevropa Ittifoqi" birinchi sammiti bo'lib o'tdi. Bu nafaqat mintaqa taraqqiyoti yo'lidagi muhim hodisa, balki yangi dunyo tartibining shakllanishiga ham ta'sir etuvchi voqeeliktir.

Asosiy muallifi davlatimiz rahbari bo'lgan bu tashabbus shunchaki siyosiy tadbir emas, balki yuksak strategik tafakkur va xalqaro ishonchga asoslangan fidoyilik namunası hamdir. Prezidentimiz o'z nutqida sammitni Samarqandda o'tkazish tashabbusini qo'llab-quvvatlagani uchun qatnashchilarga minnatdorlik bildirar ekan,

asrlar davomida Buyuk ipak yo'lining asosiy chorrahasida joylashgan ushbu shonli shahar sivilizatsiyalar mulqoti hamda Sharq va G'arb o'rtasidagi diplomatiya, savdo va madaniy almashuvlarning muhim markazi bo'lganini alohida ta'kidladi.

Davomi 4-beta

